

Siunnersuummut nassuiaatit

## **Nalinginnaasumik nassuiaatit**

### **1. Aallarniut**

Siunnersuut una naartunermi, erninermi meeravissiarthaarnermilu sulinngiffeqartarnej ullormusiaqartarnerlu pillugit Inatsisartut inatsisissaattut siunnersuummut peqatigitillugu saqqummiunneqartumut atatillugu isigineqassaaq.

Naartunermi, erninermi meeravissiarthaarnermilu sulinngiffeqartarnej ullormusiaqartarnerlu pillugit Inatsisartut inatsisissaattut siunnersuummi pingaarnertut anguniakkat ilagaat erninermi aningaasaateqarfimmik namminersorlutik suliffeqarfiutilinnut atuuttussamik pilersitsinissaaq.

Sulisoqarnermut akitsuut pillugu Inatsisartut inatsisaata allanngortinneqarnissaanik siunnersuut una namminersorlutik suliffeqarfiutilinnut atatillugu erninermi aningaasaateqarfiup aningaasalersorneqarnissaanut qulakkeerinneqataassaaq.

Namminersorlutik suliffeqarfiutilinnut atatillugu erninermi aningaasaateqarfiup makku qulakkiissavai:

- suliffeqarnermi naligiissitaaneq pitsaanerusoq, taamaalilluni arnat meerartaarsinnaasutut ukiullit suliffeqarnermi immikkoortinneqaaqqunagit,
- ilaqutariit meerartallit erninermut atatillugu sulinngiffeqartoqarnerani pilersuisinnaanissamut naammaginartumik tunngavissaqarnissaat, aamma
- inuuniarnermik attassisinnaaneruneq, aningaasaqarnikkut patajaassuseq aammalu nunatsinni suliffeqarfiit unammillersinnaanissaat.

Namminersorlutik suliffeqarfiutilinnut atatillugu erninermi aningaasaateqarfik naligiissaarinermit aningaasaateqarfiussaaq assigiimmik pisussaaffeqarfiulluni erninermut atatillugu sulinngiffeqarnermi akissarsianut aningaasartuutit namminersorlutik sulisitsisut tamarmiusut akornanni naligiinnerusumik agguataarneqarnissaannik qulakkeerinnittoq. Namminersorlutik sulisitsisut erninermut atatillugu il.il. sulinngiffeqartut akissarsiaannut aningaasartuuteqartut aningaasartuutimik taakku ilaat erninermi aningaasaateqarfimmit utertissinnaassavaat.

Ilaatigut ullumikkut erninermut atatillugu namminersortuni sulisunut ullormusianut aningaasartuutit, tassunga ilanngullugit angajoqqaat erninermut atatillugu sulinngiffeqartarnerata sapaatit akunnerinik sisamanik sivitsorneqarneranut aningaasartuutit amerlaqataannik Namminersorlutik Oqartussat ukiumoortumik aningaasaliissutaannit, ilaatigullu sulisoqarnermut akitsuutip qaffaassutissaanit erninermi aningaasaateqarfiup

anigaasartuutai anigaasalersorneqassapput. Sulisoqarnermut akitsuutip qaffanneqarnerani kommunit Namminersorlutillu Oqartussat ilanngunneqassanngillat, taakku namminersorlutik suliffeqarfiutilinnut atatillugu erninermi anigaasaateqarfimmit utertitsiffigineqartassanngimmata.

Erninermi anigaasaateqarfimmi isertitat anigaasartuutillu ukiualuit ingerlaneranni naligiittussanngussammata suliniutip ingerlaavartumik iluarsivigineqartarnissaanik pisariaqartitsisoqarnissaa naatsorsuutigineqarpoq. Taamaattumillu sulisoqarnermut akitsuutip tassunga tunngasortaa ukiumoortumik anigaasanut inatsisini aalajangersarniarneqarpoq.

Tamatuma saniatigut namminersorlutik suliffeqarfiutilinnut atatillugu erninermi anigaasaateqarfik annertunerusumik paasisaqarfiginiaaraanni naartunermi, erninermi meeravissiarnermilu sulinnigiffeqartarneq ullormusiaqartarnerlu pillugit Inatsisartut inatsisissaattut siunnersuut innersuussutigineqarpoq.

Sulisoqarnermut akitsuut pillugu Inatsisartut inatsisaat kingullermik allanngorneqarmalli anigaasarsianit akileraarutit pillugit Inatsisartut inatsisaanni soraarnerussutisiaqalernissamut atatillugu ileqqaaruteqarnermut malittarisassat nutaat atuutsinneqalerput. Malittarisassat atuuttut malillugit anigaasarsianit akileraarutit pillugit Inatsisartut inatsisaanni §§ 39 aamma 40 naapertorlugit soraarnerussutisiassanut aaqqissuussinernut akiliutit ilaatinneqanngillat. Soraarnerussutisiassanut aaqqissuussinernut ilanngaateqarsinnaatitaasunut allanut atatillugu soraarnerussutisiassatut ileqqaarutinut akiliutit immikkut pineqannginnissaannut tunngavissaqarsorinangilaq.

## **2. Siunnersuummi immikkoortut pingaernerit**

Soraarnerussutisiassanut aaqqissuussinernut akiliutit anigaasarsianit akileraarutit pillugit Inatsisartut inatsisaanni §§ 39 aamma 40-mi ilaatinneqannginnerat siunnersuut una naapertorlugu soraarnerussutisiaqalernissaq siunertaralugu ileqqaakkanut akiliutit § 47 b, imm. 6-imi ilaatinneqartut ilanngunneqassapput.

Namminersorlutik suliffeqarfiutilinnut atatillugu erninermi anigaasaateqarfimmut anigaasartuutit matussuserneqarnissaannut akissarsiat katinnerannit akitsuuteqartitsilernissaq siunnersuutigineqarpoq. Kommunit aamma Namminersorlutik Oqartussat akitsuummik akiliisussaatitaanermi ilaatinneqanngillat. Taamaalilluni allat sulisoqarnermut akitsuummik akiliisussaatitaasut tamarmik erninermi anigaasaateqarfimmut akitsuummik akiliisallissapput. Akitsuummi tunngavigineqassaaq anigaasarsiat katinneqarnerisa amerlassusiat § 2, imm. 2-4-mi aalajangersarneqartoq malillugu.

Akitsuutip annertussusissaa ukiumoortumik anigaasanut inatsisini aalajangersarneqartassaaq. Erninermi anigaasaateqarfiup pilersinneqarneranut, allaffissornermut, ingerlatsinerneq, naliliinissamut, nakkutilliinissamut il.il. anigaasartuutit matussuserneqaqullugit akitsuutip ingerlaavartumik naleqqussarneqartarnissaa siunertaavoq. Ilaatigut ernisartut amerlassusiisa

nikerarnerata nassatarisaanik ukiumit ukiumut aningaasartuutitut naapertuulluartunik akitsuutip annertussusissaanik aalajangersaasoqarsinnaassanngilaq. Pingaartumik piffissami pilersinneqarfiani atuinissamik naatsorsuutigineqartut qaangilaarlugit annertussusiliisoqarnissaa naatsorsuutigineqarpoq, tassa ernisartut naatsorsuutigeriinngisamik amerleriarnissaannut piareersimasuuteqarnissaq naleqquttuussammat. Taamaattorli aningaasaateqarfimmi aningaasarpassuarnik atuisoqarsinnaanissaa siunertaanngilaq. Naatsorsuutigeriinngisat annertuallaartutut nalilernerqarpata tamanna assersuutigalugu akitsuutip annertussusiata appartinneratigut aningaasanullu inatsimmi aningaasaateqarfimmut aningaasaliissutit ikilinnerisigut annikillisinneqarsinnaavoq.

<b>Inatsisissatut siunnersuut inatsimmut atuuttumut sanilliullugu</b>	
<i>Oqaaseqatigiit atuuttut</i>	<i>Inatsisissatut siunnersuut</i>
	<b>§ 1</b>  Sulisioqarnermut akitsuut pillugu Inatsisartut inatsissaanni nr. 10, 2. november 2006-imeersumi kingullermillu Inatsisartut inatsisaatigut nr. 11, 3. juni 2015-imeersumi allanngortinneqartumi ima allannguisoqassaaq:
<p><b>§ 2.</b></p> <p>-</p> <p>-</p> <p>-</p> <p><i>Imm. 4. Akissarsiarititat katinnerisa imm. 2 malillugu naatsorsorneranni ilanngunneqassanngillat aningaasat sulisitsisumit aaqqissuussinernut, aningaasarsianit akileraarutit pillugit Inatsisartut inatsisaanni § 39 aamma § 40 taaneqartunut akilerneqartut.</i></p>	<p><b>1. § 2, imm. 4, ima oqaasertalerneqassaaq:</b></p> <p><i>”Imm. 4. Akissarsiarititat katinnerisa imm. 2 aamma 3 malillugit naatsorsorneranni ilanngunneqassanngillat aningaasat sulisitsisumit aaqqissuussinernut, aningaasarsianit akileraarutit pillugit Inatsisartut inatsisaanni § 39, § 40 aamma § 47 b, imm. 6-imi taaneqartunut akilerneqartut.”</i></p>
	<p><b>2. Qulequtaq siorna: § 2 ilanngunneqassavoq</b></p> <p><b>” § 2 a. Namminersorlutik suliffiuteqartunut atatillugu erninermi aningaasaateqarfimmik pilersitsinermi, ingerlatsinermi, nalilersuinermi, kukkunersuinermi, nakkutilliinermi il.il. aningaasartuutit matussuserneqarnissaannut akissarsiat katinnerannit § 2, imm. 2-mit 4-mut naapertorlugu akitsuuteqartitsisoqassaaq. Akitsuutip</b></p>

	annertussusissaa Inatsisartut aningaasanut inatsisaanni ukiut tamaasa aalajangersarneqartassaaq. <i>Imm. 2. Kommunit aamma Namminersorlutik Oqartussat imm. 1 naapertorlugu akitsuummumut akiliuteqartassanngillat.”</i>
	<b>§ 2</b>  Inatsisartut inatsisaat 1. decembari 2020-mi atuutilerpoq ullorlu 1. december 2020 kingusinnerusukkulluunniit akissarsianut ajunngitsorsianullu akitsuuserneqartussaasunut pissarsiarineqartunut tunngatillugu atuutissalluni.

### **3. Pisortanut aningaasaqarnikkut allaffissornikkullu kingunerisassat**

Ilaatigut ullumikkut erninermut atatillugu namminersortuni sulisunut ullormusianut aningaasartuutit amerlaqataannik, tassunga ilanngullugit angajoqqaat erninermut atatillugu sulinngiffeqartarnerata sapaatit akunnerinik 4-nik sivitsorneqarneranut aningaasartuutit kiisalu naartunermi sulinngiffeqarnerup sapaatit akunnerinik 2-nik sivitsorneqarneranut aningaasartuutit, amerlaqataannik Namminersorlutik Oqartussanit ukiumoortumik aningaasaliissutinit, ilaatigullu namminersorlutik suliffiuteqartunut sulisoqarnermut akitsuutip qaffaassutaanit namminersorlutik suliffiuteqartunut atatillugu erninermi aningaasaateqarfimmut aningaasartuutit aningaasalersorneqassapput.

Sulisitsisut akiliutissaasa annertussusissaanut tunngaviit allanngorartut arlallit apeqqutaassapput, ilanngullugit inunngortartut amerlassusaat, aningaasarsiaqartut qanoq sivitutigisumik sulinngiffeqassanersut, aammalu piffissami qanoq aningaasarsiaqassanersut. Tamatuma saniatigut nunani allanit takuneqartartut takutippaat, aningaasarsiaqartut arlallit maannamut pisartunit sulinngiffeqarnissamut pisinnaatitaaffimminnik atuisalernerannik, erninermi aningaasaateqarfimmik pilersitsineq amerlanertigut kinguneqartartoq. Taamaattoq siunnersuut manna taamatut sunniuteqassanersoq, taamaassappallu tamanna qanoq annertutigisumik pissanersoq, nalilerneqarsinnaanngilaq. Taamatuttaaq arnat qassit erninissartik sioqqullugu sulinngiffeqarnerup sivitsorneqarneranik atuissanersut nalilerneqarsinnaanngilaq

Erninermi aningaasaateqarfimmik pilersitsinermi inuussutissarsiortut aningaasarsiat aningaasartaasa 2 promilliata missaanik, 19 mio. koruunit missaannik annertussuseqartunik,

sulisitsisunit akiliummik akiliinissamik pisussaaffilerneqassasut naatsorsuutigineqarpoq. Akiliutip annertussusissaa aningaasanut inatsimmi aalajangersarneqassaaq, taamaalilluni aningaasartuutissat Erninermi aningaasaateqarfiup akilertagassaattut naatsorsuutigineqartut eqqarsaatigalugit, ukiumiit ukiumut iluarsineqarsinnaassalluni.

Tamatuma saniatigut missingersorneqarpoq Namminersorlutik Oqartussat aamma kommunit erninermi aningaasaateqarfimmut ukiumut 21,8 mio. koruunit missaannik akiliisassasut.

Naatsorsuutigineqarpoq Akileraartarnermut Aqutsisoqarfiup IT atorlugu periaasiinik allanngortitsineq 400.000 koruunit sinnernagit ataasiartumik aningasartuuteqarnermik kinguneqassasoq. Kingusinnerusukkut IT atorlugu periaatsip allanngortinneqarneranut aningaasartuutit Akileraartarnermut Aqutsisoqarfiup nammineq killissaasa iluanni akilerneqassapput. Sulisitsisut namminersortut namminersortunut erninermi aningaasaateqarfimmut akiliutaat, sulisoqarnermut akiliutip qaffaataatut akilersinneqassaaq. Taamaattumik siunnersuut Akileraartarnermut Aqutsisoqarfimmut annikitsuinnarmik allaffissornikkut sunniuteqassangatinneqarpoq.

Erninermi aningaasaateqarfimmut allaffissornikkut aningaasartuutit qanoq annertutigissanersut maannangaaq naatsorsorneqarsinnaanngilaq. Taamaattorli aningaasaateqarfiup ingerlanneqarneranut, tassungalu ilanngullugu sulisussaqaarniarnermut, inissanut, qarasaasiatigut atortunut, paasissutissiisarnermut ilitersuisarnermullu, nittartakkamut il.il. aningaasartuuteqartoqassaaq. Tamakkununga aningaasartuutit namminersorlutik suliffeqarfiutilinnut atatillugu erninermi aningaasaateqarfiup aningaasaataanit atorneqarsinnaasunit matussuserneqassapput.

#### **4. Inuussutissarsiutinik ingerlataqartunut aningaasaqarnikkut allaffissornikkullu kingunerisassat**

Erninermi aningaasaateqarfimmik pilersitsinermi inuussutissarsiortut aningaasarsiat aningaasartaasa 2 promilliata missaannik, 19 mio. koruunit missaannik annertussuseqartunik, sulisitsisunit akiliummik akiliinissamik pisussaaffilerneqassasut naatsorsuutigineqarpoq.

Suliffeqarfiit sulisui erninermut atatillugu aammalu angajoqqaatut erninermut atatillugu sulinngiffeqarsinnaatitaanermik atuisut ikippata, suliffeqarfinni sulisut erninermut atatillugu aammalu angajoqqaatut erninermut atatillugu sulinngiffeqarsinnaatitaanermik atuisut qanoq amerlatiginerat malillugu aningaasartuutit matussuserneqarnissaannut siunnersuut malillugu tapeeqataasussanngussapput.

Inuussutissarsiutinik ingerlataqartut ataatsimut isigalugu annikinnerusumik aningaasartuuteqarnerussapput. Aningaasarsiaqartut maannakkorpiaq taamaallaat nalunaaquttap akunneranut 91,76 koruuninik erninermut atatillugu ullormusiaqarsinnaatitaapput. Siunnersuutip atuutilernerani taakkua sulinngiffeqarnerminni aningaasarsiarisartakkamik minnerpaamik 80 %-ianik tunineqarsinnaalissapput. Taamaalilluni

anigaasarsiaqartoq nalunaaquttap akunneranut 120 koruuninik nalunaaquttap akunnermusiaqartoq, minnerpaamik nalunaaquttap akunneranut erninermut atatillugu ullormusianit ullumikkut tunniunneqartartunit minnerpaamik 4 koruuninit annertunerusunik pisinnaalissaaq. Anigaasartuutaanerulertussat taakkua sulisitsisut akiliutaannit matussuserneqassapput. Sulisitsisoq anigaasat annerpaartaaffissaanut sanilliullugu qaffasinnermik akissarsiaqartitsinissamut pisussaaffilerneqassanngimmata anigaasartuutaanerussat annertunaviangillat.

Siunnersuut erninermi anigaasaateqarfimmi utertitassanik qinnuteqaatinut taakkulu sulissutiginerannut atatillugu allaffissornikkut kinguneqassaaq. Qinnuteqaatip ilusissaanut piunasaqaatit pillugit malittarisassat erseqqinnerusut nalunaarummi aalajangersarneqassapput, tamatumanilu inuussutissarsiummik ingerlataqartut allaffissornermut anigaasartuutaat sapinngisamik annikinnerpaatinniarlugit qinnuteqariaatsip sapinngisamik pisariitsuunissaa pingartinneqassalluni.

Sulisitsisup erninermi anigaasaateqarfimmut tapeeqataassutinik akiliuteqartarnissaanut atatillugu allaffissornikkut kinguneqassanngilaq, tamanna sulisoqarnermut akitsuut pillugu Inatsisartut inatsisaat malillugu maanna akileeqqusisarnerit assigalugit pisassammat.

**5. Avatangiisinut, pinngortitamut innuttaasullu peqqissuunissaannut kingunerisassat**  
Siunnersuut avatangiisinut, pinngortitamut innuttaasulluunniit peqqissuunissaannut kinguneqassanngitsoq nalilerneqarpoq.

#### **6. Innuttaasunut kingunerisassat**

Siunnersuut angutit arnallu suliffeqarnermi naligiissitaanerannut annertuumik sunniuteqassasoq nalilerneqarpoq. Namminersorlutik suliffeqarfiutilinnut atatillugu erninermi anigaasaateqarfimmik pilersitsinerup nassatarisaanik arnat meerartaarsinnaasutut ukioqarnertik pissutigalugu suliffeqarnermit siunissami piunaneerukkunnaassasut naatsorsuutigineqarpoq.

Tamatuma peqatigisaanik ilaqutariit erninermut erninermullu atatillugu sulinngiffeqarnermut atatillugu sulinngiffeqartut pilersuisinnaassusiat pitsanngoriaateqassaaq.

#### **7. Kingunerisassat annertuut allat**

Siunnersuut annertuumik allanik kinguneqassanngitsoq naatsorsuutigineqarpoq.

#### **8. Oqartussanut suliniaqatigiiffinnullu il.il. tusarniaaneq**

Siunnersuut piffissami 27. november 2019-imit 8. januar 2020-p tungaanut makkununga tusarniaassutigineqarpoq:

Naalakkersuisut Siulittaasuata Naalakkersuisoqarfia, Pinngortitamut, avatangiisinut Iisimatusarnermullu Naalakkersuisoqarfik, Ineqarnermut Attaveqatigiinnermullu Naalakkersuisoqarfik, Aalisarnermut, Piniarnermut Nunalerinermullu Naalakkersuisoqarfik,

Peqqissutsimut Naalakkersuisoqarfik, Isumaginninnermut Inatsisinillu Atuutsitsinnermut Naalakkersuisoqarfik, Inuussutissarsiornermut, Suliffeqarnermut, Niuernermut Nukissiuuteqarnermullu Naalakkersuisoqarfik, Aatsitassanut Naalakkersuisoqarfik, Ilinniartitaanermit, Kulturimut Ilageeqarnermullu Naalakkersuisoqarfik, Avannaata kommunia, Qeqertalik Kommunია, Qeqqata Kommunია, Kommuneqarfik Sermersooq, Kommune Kujalleq, [aua@nanoq.gl](mailto:aua@nanoq.gl), [info@humanrights.gl](mailto:info@humanrights.gl), [NALI@nali.gl](mailto:NALI@nali.gl), Inuit pisinnaatitaaffii pillugit Siunnersuisooqatigiit, Nunatta Meeqqat Pisinnaatitaaffiit Sullissvia MIO, [fgb@fgb.dk](mailto:fgb@fgb.dk), [solsvig@unicef.dk](mailto:solsvig@unicef.dk), [mibb@mibb.gl](mailto:mibb@mibb.gl), [Allaffik@sorlak.gl](mailto:Allaffik@sorlak.gl), Officiel post til Tilioq, [info@autisme.gl](mailto:info@autisme.gl), [Kattuffikutoqqaat@gmail.com](mailto:Kattuffikutoqqaat@gmail.com), [angajoqqaatigiit@gmail.com](mailto:angajoqqaatigiit@gmail.com), [neriuffik@gnet.gl](mailto:neriuffik@gnet.gl), [knipk1981@gmail.com](mailto:knipk1981@gmail.com), [sugisaq@gmail.com](mailto:sugisaq@gmail.com), Pissassarfik, [krk@krk.gl](mailto:krk@krk.gl), Info Transparency, Sulisitsisut, SIK, [imak, niisipmut@gmail.com](mailto:imak, niisipmut@gmail.com), [aknuuk@ak.gl](mailto:aknuuk@ak.gl), [info@npk.gl](mailto:info@npk.gl), ASG, Formanden for PK, KNAPK, [sps@sava.gl](mailto:sps@sava.gl), [grl-politi@politi.dk](mailto:grl-politi@politi.dk), [krfo@krfo.gl](mailto:krfo@krfo.gl), [post.rig@domstol.gl](mailto:post.rig@domstol.gl), [ps@nuna-law.gl](mailto:ps@nuna-law.gl), Rigsombudsmanden i Grønland, Moderniseringsstyrelsen DK, Kanunupe, Inooqat, [niik@niik.gl](mailto:niik@niik.gl), [isi@isi.gl](mailto:isi@isi.gl), [uuta-j@live.dk](mailto:uuta-j@live.dk), [kontakt@ppk.gl](mailto:kontakt@ppk.gl), [illersuisuuneq@gmail.com](mailto:illersuisuuneq@gmail.com).

Ukuninnga tusarniaanermi akissutinik tigusaqartoqarpoq:

Aatsitassanut Naalakkersuisoqarfik, Kalaallit Nunaanni Politiit, MIO, Avannaata Kommunია, Qeqqata Kommunია, Kalaallit Nunaanni Eqqartuussivik, ASG, Inuit pisinnaatitaaffii pillugit Siunnersuisooqatigiit, Sulisitsisut, IMAK aamma Kommuneqarfik Sermersooq.

Sulisitsisut siunnersuut isumaqatigaat siunnersuutillu aningaasaqarnikkut kinguneqaatai pillugit nassuiaatini kommunit ukioq kaajallallugu sulisunik 8-10 erninermi ullormusianik allaffissornermi sulisunik sipaaruteqarnissaat ilanngunneqartariaqartoq isumaqarlutik. Sipaarutit aningaasaateqarfimmut nuunneqartariaqarput ,taamaammallu akitsuutit 2 promillemik qaffanneqarnerat Sulisitsisut qaffasippallaarsoraat.Ukioq ataaseq marlulluunniit qaangiuppata aningaasaateqarfik sinneqartooruteqarnersoq paasinarsissaaq, taamaattoqassappallu erninermut aningaasaateqarfimmut akiliutit appartinneqarsinnaassapput.

*Kommunit ullumikkut erninermi ullormusianik suliaqarnermi inuit ukioq kaajallallugu suliffeqartut arfineq marluk missaat atortarpaat. Taakkunannga inuit ukioq kaajallallugu suliffeqartut sulianut namminersorlutik inuussutissarsiortuni sulisunut attuumasunik suliaqarnermut atorneqartartut missingerneqarpoq. Ukioq kaajallallugu sulisut taakku sulisinneqartut nalinganik kommuninut tapiissutit appartinneqassapput.*

*Sipaarutit namminersorlutik oqartussat ilaatigut nakkutilliinermut aningaasaateqarfimmullu tunngatillugu allaffissornermut aningaasartuutiginerusaanut aningaasalersuinermit ilanngunneqassasut naatsorsuutigineqarpoq.*

*Tusarniaavigineqartut allat siunnersuummut nassuiaatinut oqaatigisassaqaanngillat.*

## **Siunnersuummi aalajangersakkanut ataasiakkaanut nassuiaatit**

### *§ 1-imut*

Nr. 1-imut

Siunnersuutip kingunerisaanik aningaasarsianit akileraarutit pillugit Inatsisartut inatsisaanni § 47 b, imm. 6-imi oqaatigineqartutut soraarnerussutisiaqarnissamut ileqqaarutit akitsuutit nalunaarsorneqarneranni ilaatikkunnaarneqassapput.

Nr. 2-mut

Namminersorlutik suliffeqarfiutilinnut atatillugu erninermut aningaasaateqarfiup pilersinneqarnerani, allaffissornermut, ingerlatsinermut, nalilersuinermit, kukkunerisuinermit, nakkutilliinermut il.il. aningaasartuutit matussuserneqarnissaannut akissarsiat katinneranni akitsuummik atuutsitsisoqalissasoq siunnersuutigineqarpoq. Aammattaaq tassunga atatillugu aningaasartuutit attuumassuteqartut matussuserneqassapput, soorlu angalanermut aningaasartuutit assigisaallu aningaasaateqarfiup ingerlanneqarneranut, nakkutilliivigineqarneranut il.il. atatillugu akilernerqartussaangitsut. Taamaalilluni taagorneqartut inaarutaasuunngillat, taamaattorli aningaasartuutaasussat taamaallaat aningaasaateqarfiup sulianut ingerlataanut aalajangersakkamut attuumassutilinnut toqqaannartumik attuumassuteqarlutik.

Taamaalillunilu akitsuutip tunngavigisassaa tassaassaaq inatsimmi § 2, imm. 2-mit 4-mut aalajangersarneqartutut akissarsiat katinnerat.

Akitsuummik akiliisussaatitaaneq kommuninut Namminersorlutillu Oqartussanut atuutissanngilaq. Taamaalilluni kommunini Namminersorlutillu Oqartussani ingerlatsiviit, naalackersuisoqarfiit, suliffeqarfiit il.il. namminersorlutik suliffeqarfiutilinnut atatillugu erninermi aningaasaateqarfimmut akitsuummik akiliisussaatitaanngillat, taakku missingersuutaat kommunit ukiumoortumik missingersuutaannut imaluunniit Namminersorlutik Oqartussat aningaasanut inatsisaannut ilaatinneqareermata. Aammattaaq suliffeqarfiit, aningaasaateqarfiit immikkut ittut, suliffeqarfiit imminnut aquttut il.il. tamani ilaatinneqarput taakku ingerlatsiviit naalackersuisoqarfiillu missingersuutaat assigalugit missingersuutaat kommunini ukiumoortumik missingersuutini imaluunniit Namminersorlutik oqartussat aningaasanut inatsisaanni ilaatinneqareerpata. Assersuutigalugu suliffeqarfiit imminnut aquttut Nukissiorfittut ittut erninermi aningaasaateqarfimmut akitsuummik akiliisassanngillat.

Akerlianik allat tamarmik sulisoqarnermut akitsuummik akiliisussaatitaasut aningaasaateqarfimmut akitsuummut akiliisussaassapput.



*§ 2-mut*

Inatsisartut inatsisaat 1. Juli 2020-mit atuutilissasoq aamma tassani ullormit kingornaluunniit aningaasarsianut akissarsiallu allat aningaasartuutaasussanut atuutilernissaanut siunnersuutaavoq.